

## Vel's bažničiuo

Vèina karta, lèg netīcè,  
Vel's ožsoka è bažnīcè.  
Jautè skūra pasijiemès,  
È mūra sèina atsèriemès,

Vèsos žmuonis ons stebiejè:  
Kas prastā meldies ar plepiejè –  
Anus è skūra rašè,  
Tarpas barzda pasipašè,

Vèsos dalīvius ons sotraukè.  
Tèk vèina davatkelè lètanèjè traukè,  
Meldies karštā, kèik galiejè,  
Nes Dèivali dèdèlè mīliejè.

Skūruo vèitas jau neblèka,  
Kèpšos net balso soklèka,  
Tèmdams so dontims tou skūra,  
Sosètrènkè pakauši ons è mūra.

Davatkelè anou regiejè,  
Neprasèjokus nebèškèntiejè –  
Kèpšos èr anou atžīmiejè  
Èr è pekla èšdolkiejè.